

**Komunikado do Imprensa**

17 de Novembru, 2008

**Kontaktu:**

+670 724 6022

Sierra James

**Titlu Eventu: “Presidente nia Festival ba Dame”**

**Tema: Lao Ba Dame**

**Data: 21 de November, 2008**

**Horas Eventu: 6pm (ba Imprensa)**

**Fatin: Merkado Lama, Dili**

*Dili, Timor-Leste* – Iha dia 21 de Novembru, 2008, NGO local Ba Futuru, Arte Moris, no Knua Buka Hatene, hamutuk ho filmografer Thomas Nehrman no mos Ofisiu Presidente sei halao “Presidente nia Festival ba Dame” – projeitu ida ne’ebe maka fornese oportunidade ba joven sira ne’ebe iha risku as atu sira bele aumenta kbi’it foun no selebra ba dame liu husi arte, educasaun ba dame, halo filme no teatru. Tuir ida ne’e sei halao Festival Filme Independente, ne’ebe mak sei halo ba dala uluk iha Timor-Leste.

Festival ida ne’e sei halao durante loron ida tomak iha Merkado Lama, Caicoli, ba partisipantes nain 150. Tuir actividades ne’ebe mak halao iha loron, sei iha oportunidade atu hare filme independente husi ema Timor ne’ebe mak tama iha kompetisaun halo filme, kompetisaun primeiru iha Timor-Leste. Festival ne’e hanesan parte ida iha projeitu boot liu ne’ebe mak organisa husi Ofisiu Presidente hamutuk ho grupu local sira iha rai Timor tomak. Depois deaktividades iha loron, sei halao Presidente nia Festival ba Dame, husi parte Oecousse to’o Lautem.

Presidente Jose Ramos Horta hateten kona ba Festival ba Dame katak: “Dame laos signifika katak laiha funu, maibe dame refere ba ema hotu ne’ebe moris ho dignidade, respeita malu, hadomi malu, la hatun malu, suporta malu, servisu hamutuk, rona malu, fiar malu, no livri husi kastigu fiziku no komunikasaun ne’ebe diak. Ho liafuan dame ita bele hari’i no habelar abilidade ema individual ida-idak hodi lao ba oin hamutuk hanesan nasaun ida. Festival Prezidenti ba Dame, hanesan oportunidade ida ba ema hotu atu halibur hamutuk ho labarik sira, foinsa’e no membru komunidadade hodi kopera hamutuk ho Lideransa Governu atu hari’i dame ne’ebe positivu. Ho Festival ba Dame, mai ita ita hamutuk selebra dame iha Timor-Leste.”

Festival ne’e sei halibur joven sira, balun ne’ebe mak uluk hola parte iha actividades halo violensia ka artes marsiais, no fornese ba sira kbi’it foun atu kria kondisaun harii paz, produs filme, artes kreativu no visual, no halo pintura boot ida kona ba paz ne’ebe mak sai hanesan arte permenente iha Merkado Lama.

Ba Futuru, nuda’ar organisador ba eventu ne’e, hanesan NGO non-profit ida estabelisa iha Timor-Leste iha tinan 2004. Ba Futuru servisu ho ema nain 15, 000 ne’ebe mak hetan afeitu at husi konflitu, ne’ebe vulnuravel, no labarik no joven sira ne’ebe risku as desde 2004, fornese sira oportunidade ba educasaun no dezenvolve sira nia kapasidade.

[bafuturu@bafuturu.org](mailto:bafuturu@bafuturu.org)

[www.bafuturu.org](http://www.bafuturu.org)